

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԳՅՈՒՄՐԻ ՀԱՄԱՅՆՔԻ ԱՎԱԳԱՆԻ

Ո Ր Ո Շ ՈՒ Մ

<< 18 >> հունիսի 2013թվականի N 64 -Ն

**ԳՅՈՒՄՐՈՒ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՆԴԻՍԱՑՈՂ «ՄՈՒՇ-2»
ԹԱՂԱՄԱՍԻ N 14/1 ՀԱՍՅԵՈՒՄ ԳՏՆՎՈՂ ԱՆԱՎԱՐՏ ԲՆԱԿԵԼԻ
ՇԻՆՈՒԹՅՈՒՆԸ ԱՃՈՒՐԴՈՎ ՕՏԱՐԵԼՈՒ ԵՎ ՕՏԱՐՄԱՆ ՄԵԿՆԱՐԿԱՅԻՆ ԳԻՆ
ՍԱՀՄԱՆԵԼՈՒ ՄԱՍԻՆ**

Գյումրի համայնքի սեփականություն հանդիսացող «Մուշ-2» թաղամասի 0,189901(գրո ամբողջ հարյուր ութսունինը հազար ինը հարյուր մեկ) հա ընդհանուր մակերեսով անավարտ բնակելի շինությունը կառուցվել է 1990 թվականին: Երկար տարիներ մնալով բարձիթողի վիճակում այն ենթարկվել է թալանի և միևնույն ժամանակ մթնոլորտային ազդեցությունների հետևանքով դարձել է վթարային և օգտագործման համար ոչ պիտանի: Շինության ամրացման և լրակառուցման համար պահանջվում են զգալի ֆինանսական միջոցներ, որի հնարավորությունը համայնքի բյուջեն չունի:

Նկատի ունենալով վերոգրյալ հանգամանքները, շինության ամրացման և լրակառուցման համար մասնավոր ներդրումներ ներգրավելու նկատառումով և ղեկավարվելով «Տեղական ինքնակառավարման մասին» Հայաստանի Հանրապետության օրենքի 16-րդ հոդվածի 20-րդ կետով՝ **համայնքի ավագանին որոշում է.**

1. Թույլատրել Գյումրի համայնքի սեփականություն հանդիսացող «Մուշ-2» թաղամասի N 14/1 հասցեի 0,189901 (գրո ամբողջ հարյուր ութսունինը հազար ինը հարյուր մեկ) հա ընդհանուր մակերեսով անավարտ բնակելի շինությունը՝ կառուցապատման և սպասարկման համար փաստացի զբաղեցրած 0, 216086 (գրո ամբողջ երկու հարյուր տասնվեց հազար ութսունվեց)հա մակերեսով համայնքապատկան հողամասի հետ միասին, օտարել աճուրդով:
2. Ելնելով «Պ.Ա.Գ. էսթեյթ» ՍՊԸ-ի կողմից 2013 թվականի ապրիլի 9-ի N 066 հաշվետվությամբ գնահատված շինության շուկայական արժեքից՝ օտարման մեկնարկային գին սահմանել 4100000 (չորս միլիոն հարյուր հազար) ՀՀ դրամ:
3. Աճուրդը կազմակերպել և իրականացնել ՀՀ օրենսդրությամբ սահմանված կարգով:

Կողմ (11)

Դեմ(0)

Ձեռնպահ(0)

Ա.Բաղդամյան _____

Լ.Բարսեղյան _____

Մ.Գաբրյան _____

Ա.Գրիգորյան _____

Վ.Եղիգարյան _____

Գ.Թաթարյան _____

Տ.Հովհաննիսյան _____

Ռ.Մխիթարյան _____

Է.Մկրտչյան _____

Մ.Սահակյան _____

Ա.Վարդանյան _____

ՀԱՄԱՅՆՔԻ ՂԵԿԱՎԱՐ՝

Ս. ԲԱԼԱՍԱՆՅԱՆ